



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 129/2013

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët, Muhamet Rexha, kryesues, Ferit Osmani dhe Nenad Lazić anëtarë, duke vendosur lidhur me apelin e parashtruar nga Kadri Krasniqi paraqitur kundër vendimit të PZAP-it A.nr 113/2013 të datës 25.09.2013, në seancën e panelit të mbajtur me 01.10.2013, mori këtë:

V E N D I M

HIDHET si i pasafatshëm apeli i Kadri Krasniqit kundër vendimit të PZAP-it A.nr. 113/2013 të datës 25.09.2013

Arsyetim

Me datën 30.09.2013 PZAP-i ka pranuar një apel nga Kadri Krasniqi, parashtruar ndaj vendimit të PZAP-it me të cilin kërkon që PZAP-i ta rishqyrtoj vendimin e tij Anr. 113/2013 lidhur me apelin tij të parashtruar në PZAP për tërheqje nga lista e kandidatëve nga subjekti politik LDK për kuvendin komunal në Obiliq. Ai thekson se nga viti 2010 është i operuar nga sëmundja e zemrës, gjë për të cilën nuk ka qenë në gjendje të gjykoj lidhur me nënshkrimin që e ka dhënë në dokumentet e kërkuara nga KQZ-ja dhe se plotësimin e formularëve e ka plotësuar duke menduar se vetëm po e përkrah subjektin politik LDK pa qenë i njoftuar se emri i tij gjendet në listën për kandidat të kësaj partie.

PZAP-i gjeti se apeli është i **pasafatshëm**:

Dispozitat e nenin 118.4 të LZP-së përcaktojnë se afati për apelim ndaj vendimeve të PZAP-it është njëzetekatër (24) orë nga momenti i marrjes së vendimit nga PZAP-i, ndërsa parashtruesi në fjalë vendimin e PZAP-it e ka pranuar me datën 27.09.2013,

ndërsa apelimin në PZAP ndaj vendimit Anr. 113/2013 e ka parashtruar me datën 30.09.2013. Me këtë rast parashtruesi i apelit nuk e ka shfrytëzuar afatin ligjor prej 24 orëve për ta parashtruar apelin në PZAP dhe mbi këtë bazë PZAP-i konsideron se apeli është i pasafatshëm. Andaj duke u bazuar në nenin 118.4 si dhe 115.1 të LZP-së, u vendos si në dispozitiv të këtij vendimi

Paneli Zgjedhor për Ankesa dhe Parashtrësia

A nr. 129/2013 më datën 01.10.2013.

**Kryesuesi i Panelit
Muhamet Rexha**



Udhëzim Juridik:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se çështja prek një të drejtë themelore.*